



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2020 йил 3 январь, № 2 (7504)

Жума

Сайтимизга ўтиш учун QR-коднинг телефонингиз орқали сканер қилинг.



Жонажон Ўзбекистонимиз гуллаб-яшнасин!

ПРЕЗИДЕНТИМИЗНИНГ ЎЗБЕКИСТОН ХАЛҚИГА ЯНГИ ЙИЛ ТАБРИГИДАН

== Устувор йўналишлар: ==



2019 йил мамлакатимиз учун унутилмас воқеаларга бой бўлди. Турли қийинчилик ва синовларни ҳам бошимиздан кечирдик. Халқимизнинг фидокорона меҳнати билан Фаол инвестициялар ва ижтимоий ривожланиш йилида улкан ютуқларга эришдик. Мамлакатимиз салоҳияти ва рақобатбардошлигини ошириш йўлида янги қадамлар қўйилди.



Иқтисодиётимизнинг етакчи соҳа ва тармоқлари жадал ривожланмоқда. Юқори технологияларга асосланган замонавий корхоналар, янги транспорт тизимлари ишга туширилмоқда. Миришкор деҳқон ва фермерларимиз, мураккаб об-ҳаво шароитига қарамасдан, мўл ҳосил етиштирилди. Кичик бизнес ва хусусий тадбиркорликка кенг йўл очилди. Йил давомида ҳудудларда аҳоли, айниқса, ёшларимиз, хотин-қизлар учун кўплаб янги иш ўринлари яратилди. Давлат дастурлари асосида шаҳар ва қишлоқларимиз, юртимиз қиёфаси бутунлай ўзгармоқда.



2019 йилда минг-минглаб юртдошларимиз, жумладан, кам таъминланган oilалар шинам уй-жойларга эга бўлдилар. Илм-фан, таълим ва тарбия соҳасида туб бурилиш даври бошланди. Янги-янги боғча ва мактаблар, олий ўқув юртлари, етакчи хорижий университетларнинг филиаллари, шифохоналар, маданият ва спорт масканлари бунёд этилмоқда. Энг муҳими, одамларимизнинг ҳаёт даражаси, Ватан тақдирига дахлдорлик туйғуси, эртанги кунга ишончи тобора кучаймоқда.



Жамиятимизда демократия тамойиллари, очиқлик ва эркинлик муҳити чуқур қарор топмоқда. Кунги кеча Олий Мажлис ва маҳаллий Кенгашларга бўлиб ўтган сайловлар бунга яққол тасдиқлади. Сайловлар Ўзбекистон демократик тараққиёт йўлидан ортга қайтмаслигини яна бир бор исботлади.

Мустақиллигимиз, осойишта ҳаётимиз кафолати бўлган Куролли Кучларимизнинг жанговар салоҳияти мустаҳкамланмоқда. Тинчликсевар ва амалий ташқи сиёсат олиб бораётган давлатимизнинг халқаро майдондаги обрў-эътибори ортиб бормоқда. Мухтасар айтганда, 2019 йил янги Ўзбекистон тарихида ҳар томонлама ёрқин из қолдирмоқда.



Биз миллий юксалишнинг муҳим босқичига қадам қўймоқдамиз. 2020 йилда ҳам иқтисодий ва ижтимоий соҳаларда кенг кўламли ислохотларимизни фаол давом эттирамоқдамиз. Хусусий мулк, тадбиркорлик ва бизнес учун янада қулай муҳит яратишга, янги иш ўринлари ташкил этишга алоҳида аҳамият қаратамиз. Иш ҳақи, пенсия, стипендия ва нафақаларни, аҳоли реал даромадларини кўпайтириш эътиборимиз марказида бўлади.

Одамларимизнинг яшаш шароитини, коммунал-маиший хизмат сифатини яхшилаш, арзон ва қулай уй-жойлар қуриш бўйича бошлаган ишларимизни янада кенгайтирамоқдамиз.



Фарзандларимизга муносиб таълим ва тарбия беришга, уларнинг қобилият ва истеъдодини рўёбга чиқаришга барча куч ва имкониятларимизни сафарбар этамиз. Аҳоли саломатлигини мустаҳкамлаш, соғлом турмуш тарзини қарор топтиришга қаратилган ишларимиз янги босқичга кўтарилади.

Нуроний фахрийларимиз, мунис опа-сингилларимизга эътибор ва ғамхўрликни янада кучайтирамоқдамиз. Ижтимоий ҳимоя ва кўмакка муҳтож юртдошларимизни доимий қўллаб-қувватлашга биринчи даражали аҳамият берамиз.

Тинчлик ва барқарорликни, жамиятимизда ўзаро ҳурмат ва аҳилликни мустаҳкамлаш асосий вазифамиз бўлиб қолади. Бу борада дунё ҳамжамияти, аввало, ён қўшниларимиз билан самарали ҳамкорликни ҳар томонлама кучайтирамоқдамиз.

БИЗ МИЛЛИЙ ЮКСАЛИШНИНГ МУҲИМ БОСҚИЧИГА ҚАДАМ ҚЎЙМОҚДАМИЗ

Президентимиз Шавкат Мирзиёевнинг Ўзбекистон халқига Янги йил табриги мамлакатимизда ўтган уч йил давомида амалга оширилган кенг кўламли ишлар ва янги йилда олдимизда турган улкан мақсадларимизнинг қисқа, лўнда таҳлил қилингани билан барчада катта қизиқиш уйғотди. Қўйида айрим юртдошларимизнинг дил сўзлари билан таништирамиз.

Тўлқин КАРИМОВ,
Олий Мажлис Қонунчилик палатаси депутати:

— Президентимиз Ўзбекистон халқига йўлаган Янги йил табригида бежиз: “Жамиятимизда демократия тамойиллари, очиқлик ва эркинлик муҳити чуқур қарор топмоқда”, дея алоҳида таъкидлаб ўтмади. Дарҳақиқат, охириги уч йилда юртимиз ижтимоий-сиёсий ҳаётида рўй берган ўзгариш ва янгиликларни яна бир бор кўздан кечирсак, жамиятнинг демократлаштириш бобига муҳим қадамлар ташлашиб, салмоқли натижалар қўлга киритилганига амин бўламиз.

Бунга 2019 йил 22 декабрь кунги Олий Мажлис Қонунчилик палатаси ва маҳаллий Кенгашларга бўлиб ўтган сайловлар мисолида ҳам яққол кўриш мумкин.

“Янги Ўзбекистон — янги сайловлар” шиори остида ташкил этилган бу галги сайловлар демократик тамойилларга ҳар жиҳатдан мос, очиқ-ошкора ва шаффоф тарзда ўтказилганлигини нафақат юртдошларимиз, айтиб ўтганча чет элликлар, нуфузли халқаро ташкилотлар кузатувчилари ҳам таъкидлашди.

Дарҳақиқат, нафақат Олий Мажлис Қонунчилик палатаси, айтиб ўтганча маҳаллий Кенгашлар депутатлиги сайлови ҳам қизиқиш ва эътибор ошгани яққол сезилди. Бунинг сабаби эса Юртбошимиз ташаббуси билан парламент қаторида маҳаллий Кенгашларга ҳам жуда катта ваколатлар берилгани билан боғлиқ.

Ишонамизки, янги сайланган депутатлар жамиятнинг демократлаштириш борасидаги сый-ҳаракатларга янгича суръат қўшадилар.

Сайёра БАРАТОВА,
Олий Мажлис Сенати аъзоси:

— Сир эмас, хотин-қизларнинг давлат ва жамиятнинг ижтимоий-сиёсий ҳаётига оид қарорлар қабул қилишдаги иштирокини ҳамда сайлов ҳуқуқлари ва имкониятини кенгайтириш мамлакатимиз сиёсатининг энг муҳим устувор йўналишларидан бири бўлиб келмоқда.

Охириги уч йилда гендер тенгликни таъминлаш борасида катта ишлар амалга оширилди. Хусусан, Ўзбекистон Республикасининг “Хотин-қизлар ва эркаклар учун тенг ҳуқуқ ва имкониятлар кафолатлари тўғрисида”ги, “Хотин-қизларни таълим ва зўравонликдан ҳимоя қилиш тўғрисида”ги қонунлар қабул қилинди. Олий Мажлис Сенати Раиси бошчилигида Ўзбекистон Республикаси Гендер тенгликни таъминлаш масалалари бўйича комиссияси фаолияти йўлга қўйилди. Шунингдек, Сенатда Хотин-қизлар ва гендер тенглик масалалари кўмитаси

ташкил этилди. 2019 йил ноябрь ойида эса “XXI асрда гендер ва ёшлар масалаларида шерикликни ривожлантириш” мавзусидаги халқаро форум ўтказилди.

Табиики, ушбу сый-ҳаракатларимиз ўз самарасини бера бошлади. Бунга ўтган йил 22 декабрда бўлиб ўтган парламент ва маҳаллий Кенгашларга сайловлар жараёнида кузатдик. Юртимизда хотин-қиз сайловчилар салмоғи 10,3 миллиондан ошгани ва сиёсий партиялардан Олий Мажлис Қонунчилик палатаси депутатлигига кўрсатилган номзодларнинг 310 нафари ёки 41,3 фоизи аёллар эканлиги ҳам бунинг яққол далилидир.

Юртбошимиз ўз табригида: “... мунис опсингилларимизга эътибор ва ғамхўрликни янада кучайтирамоқдамиз” деди. Бу мазкур йўналишдаги ишларимиз янги босқичга кўтарилади, хотин-қизлар фаоллиги янада ошади, дегандир.

Сирожиiddин САЙИД,
Ўзбекистон халқ шоири:

— Президентимизнинг Янги йил табриги қисқа ва муҳтасар бўлса-да, ундаги ҳар бир сўз, ҳар бир жумла она халқимиз, Ватанимиз тақдирини, хусусан, ёшларимиз келажагини, қалбимиздаги орзуларимиз билан чамбарчас боғлиқ. Табрик асосида кўнглимиздан ўтдики, юртимизда амалга оширилаётган ишларда ортга қайтиш йўқ. Хусусан, таълим-тарбия, маънавият, маърифат масаласи истиқболда ҳам энг муҳим масала сифатида қаралади. 2020 йил орзу-умидларимизнинг залворини, унинг амалдаги ифодасини белгилаб берадиган муҳим босқич бўлади.

Табрик шунчаки табрик эмас, ҳар биримизнинг йўлчи юлдузи-миз ва йил давомида қилинажак ишларимизнинг дастуриламали, дилдан чиққан, жамики халқимизнинг орзу-умидлари тимсоли билан боғлиқ бир кутлов бўлди, деб ўйлайман. Вазифалар жуда ҳам кўп, масъулият жуда катта. Ҳаловат билмасдан, жоннинг оромидан кечиб, шу халқ, Ватанимиз гуллаб-яшнаши учун, маънавий-маърифий, ижтимоий-иқтисодий тараққиёти учун курашмоғимиз керак. Чунки бу ҳаётда яшаш осон иш эмас.

Биз миллий юксалишнинг муҳим босқичига қадам қўймоқдамиз

Мамлакатимизда чамалаб кўрадиган бўлсак, кейинги уч йилда жуда-жуда улғувор ишлар амалга оширилди. Сўз билан иш бирлигини, режа билан ваъда бирлигини буй чўзган шахарлар, обод қишлоқлар мисолида, ижод мактаблари тимсолида кўрдик. Утган йилни шижоат, матонат йили бўлди, деймиз. Ўша Абдулла Қодирий ижод мактаби билан “Турон” кутубхонасининг бунёд этилиши, Ал Хоразмий хазратлари номидаги иختисослаштирилган мактабнинг очилиши олиб борилган ишларнинг тимсоллари бўлди, дейиш мумкин. Адабиёт, маърифат соҳасида амалга оширилаётган бу каби ишларнинг ҳаммаси Ватанимизнинг равнақи, ёшларимизнинг маънавий камолоти йўлида қилинаётган саъй-ҳаракатлардир. Бу борадаги ишларнинг изчил давомийлиги ҳар биримизга катта қўл, бандл руҳ ва ишонч бағишлайди.

Ботир МАТМУРАТОВ, Олий Мажлис Сенати аъзоси:

— Давлатимиз раҳбари ўз табригида: “Халқимизнинг фидокорона меҳнати билан Фаол инвестициялар ва ижтимоий ривожланиш йилида улкан натижаларга эришдик. Мамлакатимиз салохияти ва рақобатбардошлигини ошириш йўлида янги қадамлар қўйилди” дея алоҳида таъкидлади. Чиндан ҳам 2019 йилда барча соҳалар, жумладан, Олий Мажлис Сенати фаолиятида ҳам салмоқли ютуқлар қўлга киритилди.

Хусусан, ўтган йилда парламент юқори палатаси томонидан **85 та** қонун маъқулланди, Хукуматга **26 та** парламент сўрови юборилди, **150 та** назорат-таҳлил тadbирлари ўтказилди. Биргина назорат-таҳлил тadbирларининг ўзи 2015 йил-

Муаззам ТОЖИБОЕВА, (Косонсой тумани, Мажнунтол маҳалласи):

— Президентимизнинг табригини тинглаб, гоятда тўлқинланиб кетдим. Давлатимиз раҳбари юртимизда изчил ҳаётга татбиқ этилаётган ислохотлар 2020 йилда ҳам фаол давом эттирилишини қайд этди. Айниқса, одамларимизнинг яшаш шароитини, коммунал-маиший хизмат сифатини яхшилаш, арзон ва қулай уй-жойлар қуриш бўйича олиб борилаётган ишлар янада кенгайтирилиши, жумладан, ижтимоий ҳимоя ва қўмакка муҳтож юртдошларимизни қўллаб-қувватлашга биринчи даражали аҳамият берилиши мен каби меҳнат қобилияти чекланган инсонлар қалбини янада нурафшон қилди.

Зотан, ўтган йили Президентимизнинг ана шундай ғамхўрлигидан баҳраманд бўлиб,

ри хусусида ҳам илиқ фикрларни айтиш мумкин. Сенатнинг маҳаллий Кенгашлар билан ҳамкорликда ҳудудларни ижтимоий-иқтисодий ривожлантириш, аҳолини ташвишга солаётган муаммоларни бартараф этиш, тadbиркорлиқни ривожлантириш, жиноятчилик ва ҳуқуқбузарликларнинг олдини олиш, ер ва сув ресурсларидан самарали фойдаланиш, атроф-муҳитни муҳофаза қилиш каби ўндан зиёд масалалар юзасидан ҳудудлар кесимида “Йўл ҳариталари” тасдиқланиб, ижроси қатъий назоратга олинди.

Умуман, ўтган йилда катта натижаларга эришилди. Аммо бу билан кифояланиб қолишимиз мумкин эмас. Шундай экан, янги бошланган йилда янги марраларни забт этишга астойдил ҳаракат қилишимиз керак бўлади.

Осиё МИРЗАЕВА, шифокор (Бухоро шаҳри):

— Ҳар йили курантларимизда тунги соат ўн иккига бонг уришдан олдин давлатимиз раҳбарининг ўзи телевидение орқали чиқиб, халқимизни янги йил байрами билан табриклаши — бу жуда катта воқеа! Чунки халқ ўзининг Йўлбошчисига, Президентига ишонади ва мазкур табрик билан бу ишончимиз янада мустаҳкамланди, деб ўйлайман. Юртобшамиз ўз табригида тиббиёт соҳасига ҳам тўхталиб, аҳоли саломатлигини мустаҳкамлаш, соғлом турмуш тарзини қорар топтиришга қаратилган ишлар янги босқичга кўтарилишини таъкидлади. Утган йилги ҳам соҳада катта ўзгаришлар амалга оширилди. Жумладан, хусусий тиббиёт ташкилотларининг фаолияти учун қулай шарт-шароитлар яратили, улар фаолиятини тартибга солиш ва лицензиялаш тизими

мини такомиллаштириш, кўрсатилаётган хизматлар ҳажми ва турларини оширишни рағбатлантиришга қаратилган кенг қўламли ишлар амалга оширилди. Тиббиётнинг барча йўналишига жаҳон илм-фаннинг илгор усуллари татбиқ этилмоқда. Жумладан, жарроҳлик соҳасига янги-янги диагностика ва даволаш усуллари кириб келди. Айниқса, трансплантология амалиёти йўлга қўйилиши инсон ҳаётини асрада, оғир касалликлар тудайли ногирон бўлиб қолган инсонларни соғлом ҳаётга қайтаришда катта ютуқ бўлди. Шубҳасиз, бу борадаги ўзгаришларни халқимиз катта мамнунлик билан қутиб олмақда. Ўйлайманки, бу ҳали ишларнинг бошланиши. Эндиликда барча соҳада мамлакатимиз дунёнинг энг илгор давлатлари даражасига кўтарилишига ишончим комил.

Осман МЕСТЕН: «ЎЗАРО АЛОҚАЛАРИМИЗДА БУ ЙИЛ ҲАМ ТАРИХИЙ ВОҚЕАЛАРГА БОЙ БЎЛИШИ КУТИЛМОҚДА»

Туркия Буюк Миллат Мажлисидаги “Туркия — Ўзбекистон” парламентлараро дўстлик гуруҳи раиси Осман Местен “Дунё” АА орқали икки давлат ўртасида ривожланиб бораётган дўстона алоқалар ҳақида ўз фикр-мулоҳазаларини билдирди.

Биз ва жаҳон

— Қардош ўзбек халқи учун 2019 йил жуда қутлуғ келди, — дейди у. — Йил давомида Ўзбекистон неча йилларга татигулик улкан ютуқларга эришди, янгиланиш ва тараққиёт йўлида дадил қадамлар ташлади. Президент Шавкат Мирзиёевнинг ғайрат-шижоатга тўла раҳнамолиги остида Ўзбекистонда очилган янги давр тараққиёти изчил давом этди ва мамлакатда ўзгача бир кўтаринчилик шуқуқи, дадиллик ва ислохотчилик руҳи ҳукмрон бўлди. 22 декабрь куни “Янги Ўзбекистон — янги сайловлар” шiori остида ўтказилган парламент ва маҳаллий Кенгашлар сайловлари натижаларини бунга бир мисол сифатида келтиришимиз мумкин. Қамина ҳам кузатувчи сифатида иштирок этган бу муҳим сиёсий воқеа Ўзбекистоннинг демократик тараққиёти тарихида ижобий бўлиши нуқтаси бўлди.

Ҳақиқатан ҳам, озода ва обод масканга айланиб бораётган Ўзбекистон қўлга киритган қатор ижобий натижалар нафакат ўзбек халқига, балки дўст мамлакатлар аҳлига, хусусан, Туркия жамоатчилигига ҳам самимий қувонч ва ифтихор туйғуларини бахш этди. Мисол учун, биз 2019 йил

октябрь ойида Ўзбекистоннинг Туркий кенгашга тўлақонли аъзо давлат сифатида қўшилишини катта мамнуният билан қутиб олдик, қутладик.

Мамлакатларимиз раҳбарлари — Президент Режеп Таййип Эрдоғун ва Президент Шавкат Мирзиёев бошчилигида халқларимизнинг азалий орзулари ушала бошлади, умумий қадриятлар ва муштарак манфаатлар асосида ўзаро яқинлашув, биродарлашув, ҳамкорлик ва ҳамжиҳатлик жараёни жадал суръатлар билан ривожланиб бормоқда.

2020 йилда Ўзбекистон янги муваффақиятларни қўлга киритишига, барқарор тараққиёт, фаровонлиги йўлида янги погоналарга кўтарилишига ва янги марраларни забт этишига ишонамиз. Ўзаро алоқаларимизда ҳам бу йил тарихий воқеаларга бой бўлиши кутилмоқда.

Мана шундай ажойиб сарҳисоб асосида, Туркия Буюк Миллат Мажлисидаги “Туркия — Ўзбекистон” парламентлараро дўстлик гуруҳи аъзолари қадрдон ўзбек халқига 2020 йил баракали келсин, деймиз, самарали натижаларга, янги ютуқларга бой бўлишини тилаб қоламиз.

«ИҚТИСОДИЁТ ДРАЙВЕРИ»

ҳаётимизда қандай ўзгаришлар ясади?

Мамлакатимизда “Фаол инвестициялар ва ижтимоий ривожланиш йили” дея ном берилган 2019 йил ўз поёнига етиб, Янги — 2020 йилни қарши олдик. Хўш, ортга назар солиб, ўтган бир йилни сарҳисоб қиладиган бўлсак, нималарга, қандай натижаларга эришдик? Давлатимиз раҳбари таъбири билан айтганда, “иқтисодиёт драйвери”, яъни инвестициялар жалб этилиши ижтимоий-иқтисодий ҳаётимизда қандай ўзгаришлар ясади?

Сарҳисоб

Халқаро тажрибадан маълумки, қаерда фаол инвестиция сиёсати юритилса, ўша жойда иқтисодий ўсish, барқарор ривожланиш кузатилган. Зотан, инвестиция билан бирга, нафақат соҳа ва тармоқларга, балки олис ҳудудларга янги технологиялар, инновациялар, илгор тажрибалар, юксак малакали мутахассислар, қисқача айтганда, тараққиёт кириб келади. Пировардда тadbиркорлик ҳаракати кенг қулоч ёзиб, ижтимоий соҳаларда туб ўзгаришлар рўй беради. Президентимиз 2019 йилга берилган ном ҳақида тўхталиб, жумладан, шундай деган эди: “Биз фақат инвестицияларни фаол жалб қилиш, янги ишлаб чиқариш қувватларини ишга тушириш ҳисобидан иқтисодиётимизни жадал ривожлантиришга эришамиз. Иқтисодиётдаги ижобий натижалар эса ижтимоий соҳада тўпланиб қолган муаммоларни тизимли ҳал этиш имконини яратадир”.

Дарҳақиқат, дастлабки ҳисоб-ки-тобларга қараганда, Ҳаракатлар стратегиясини “Фаол инвестициялар ва ижтимоий ривожланиш йили”да амалга оширишга оид Давлат дастурининг ижроси иқтисодиёт тармоқларида юқори ўсish суръатларини таъминлаш имконини берди. Чунки биргина Инвестиция дастурига 2018 йилдаги нисбатан 16 фоиз кўп, аниқроғи, умумий қиймати 16,6 миллиард АҚШ долларилик 3 мингдан зиёд лойиҳалар киритилиб, йил давомида, жумладан, 140 та ишлаб чиқариш қувватини фойдаланишга топшириш режалаштирилган эди.

Қулай ишбилармонлик ва инвестиция муҳитини яратишга қаратилган тизимли ислохотлар тadbиркорлик ривожига кенг йўл очди. Давлат статистика қўмитасидан маълум қилишларича, 2019 йилнинг 11 ойида 415,1 мингта корхона ва ташкилот рўйхатдан ўтказилди ва аввалги йилнинг шу давридаги нисбатан 23 фоиз ўсish кузатилди. Шундан 89 минг 923 таси янги ташкил этилган тadbиркорлик субъектлари эканлиги, бу кўрсаткич

аввалги йилнинг тегишли давридаги таққосланганда 1,8 баробар кўпайганилиги диққатга сазовор. Эътиборлиси, мазкур ҳўжалик юритувчи субъектларнинг асосий қисми санаят, ишлаб чиқариш ва хизмат кўрсатиш каби иқтисодиётнинг муҳим тармоқлари улушига тўғри келди.



Қибрай туманининг Ёнариқ қишлоғида ишга туширилган “Miss Lighting” Ўзбекистон — Хитой қўшма корхонаси шулардан биридир. Энергия тежамкор лампалар ишлаб чиқаришга иختисослаштирилган мазкур лойиҳа ижроси учун 10 миллиард сўм сармоя йўналтирилиб, хорижий илгор технологик линиялари олиб келинди. Ҳозир бу ерда 120 нафар йигит-қиз меҳнат қилмоқда.

— Тadbиркорлик ҳаракати ҳар томонлама қўллаб-қувватланаётгани, айниқса, бино ва иншоотлар инвестиция киритиш шарти билан текнига берилаётгани бизнес-режаларимизга қанот бўляпти, — дейди мазкур корхона раҳбари Умида Раҳмонова. — Биз ҳам ана шундай имкониятлардан фойдаланиб, импорт ўрнини босувчи LED лампалар ва қандиллар ишлаб чиқаришни йўлга қўйдик. 2020 йилда яна 500 минг АҚШ долларини иқдоридан хорижий инвестиция жалб этиб, фаолиятимизни янада кенгайтирмоқчимиз.

Таъкидлаш керакки, чет эл инвестицияси ўз-ўзидан келмайди. Негаки,

бугун жаҳон иқтисодиётида инвестиция учун ижобий маънода кураш кетаяпти. Ҳатто дунёнинг ривожланган давлатлари ҳам қўллаб-қувватлашга сармоя киритиш баробарида, ўз иқтисодиётига инвестиция жалб қилиш ҳаракатини асло сусайтиргани йўқ. Сабаби тўғридан-тўғри хорижий инвестициялар барқарор иқтисодиёт гаровидир. У янги қувватларни ишга тушириш, аҳоли бандлигини таъминлаш, санаят рақобатдошлигига эришиш имконини беради.

Бу жараёнда Ўзбекистоннинг иштироки қандай бўлди, бир йил давомида чет эллик инвесторларни жалб қилишда қандай чора-тadbирлар қўрилди, деган савол тугилиши табиий.

Экспертларнинг эътирофи этишича, кейинги пайтда Ўзбекистонда инвестицияларни жалб қилиш борасида тамомила янги ва самарали механизмлар қўлланилмоқда. Хорижий сармоядорларнинг ҳуқуқ ва манфаатлари ҳимояси қонун билан кафолатланяпти. Натижада ўз бизнесини юртимиз билан боғламоқчи бўлган инвесторлар сафи кенгаймоқда.

Ўзбекистон Республикаси Ташқи ишлар вазирлиги мутахассисларининг айтишича, 2019 йилда катта, лекин эгналлаш мумкин бўлган марра қўйилганда. Яъни 320 та лойиҳа доирасида 4,2 миллиард долларлик тўғридан-тўғри чет эл сармоялари ўзлаштирилиши белгиланди. Бунинг ижросини таъминлаш учун, айниқса, Россия, Хитой, Жанубий Корея, Малайзия, Буюк Британия ва Польша давлатлари билан инвестициявий алоқалар янада мустаҳкамланиб, улар иштирокида йirik лойиҳалар ижросига киришилди.

Яна Давлат статистика қўмитаси маълумотларига мувожаат қилишимиз. Унда келтирилишича, 2019 йилнинг тўққиз ойида 134 трлн. 29,4 млрд. сўм инвестициялар ўзлаштирилган. Шунинг 79,0 фоизи жалб этилган маблағлар, 21 фоизи корхона, ташкилот ва аҳолининг ўз маблағлари ҳиссасига тўғри келди. Инвестициявий муҳитни яхши-

лашга қаратилган ислохотлар натижа-сида инвестициялар ҳажми 134 трлн. сўмдан ошмироқни ташкил этиб, аввалги йилнинг мос давридагига нисбатан 46 фоиз ўсish кузатилди. Тўғридан-тўғри хорижий инвестицияларни ўзлаштириш ҳажми ҳам ортиб, 21 трлн. 448,4 млрд. сўмни ташкил этгани, айниқса, қувонарлидир.

Таҳлилларга қараганда, инвестициявий лойиҳаларнинг аксарияти олис ҳудудларда амалга оширилмоқда. Бундан кўзланган асосий мақсад — санаятчи чекка қишлоқларга олиб кириш, янги иш жойлари яратиш, аҳолининг ижтимоий ҳимоясини қучайтиришдир. Бунга аҳоли бандлигини таъминлашда имконияти нисбатан катта бўлган енгил саноатдаги ўзгаришлар аяқол енгил соҳа бўла олади.

— Охириг уч йилда чет эллик инвесторлар иштирокида рўёбга чиқарилган инвестициявий лойиҳаларимиз сонин деярли 3 баробар ортди, — дейди “Ўзтўқимачиликсаноат” уюшмаси раиси Илхом Ҳайдаров. — Агар 2017 йилда умумий қиймати 260,7 миллион долларлик 33 та лойиҳа ҳаётга татбиқ қилинган бўлса, 2019 йилда 814 миллион доллар ўзлаштирилиб, 91 инвестиция лойиҳа бўйича юқори технологияли корхоналар ишга туширилди. Уларда жами 17 500 та иш ўрни яратилди. Яна бир аҳамиятли жиҳати Туркия, Жанубий Корея, Хитой, Сингапур, Хиндистон каби хорижий давлатлар инвесторлари иштирокидаги янги қувватлар шу пайтгача бирорта ҳам санаят корхонаси бўлмаган туманларда қурилганидир. Қорақалпоғистоннинг Қонлиқли ва Шуманай, Андижоннинг Улғунор ва Бўз, Навоийнинг Хатирчи ва Томди, Сурхондарёнинг Шеробод ва Сариосиё туманларида фойдаланишга топширилган тўқимачилик фабрикалари — бунинг исботи. Натижада қўллаб-қувватлаш ёшлари, айниқса, хотин-қизлар бандлиги таъминланиб, жинси матолари, аралаш толали кала ва ип, улар асосида мато ва газлама-лар тайёрлаш ўзлаштирилди.

Иқтисодиётнинг етакчи тармоқларида эришилаётган бу каби заворли натижалар ижтимоий ҳаётимизда ўз аксини топиб, аҳолининг турмуш шарои-



ти яхшиланиб, ҳаёт даражаси юксалмоқда. Бу ҳақда гап кетганда, аҳолининг барча қатлами арзон ва замонавий уй-жойлар билан таъминланаётгани, ҳудудларда кўркам мактаб ва богчалар, шифо масканлари, шунингдек, бошқа ижтимоий соҳа объектлари бунёд этилаётганини алоҳида айтиш мумкин.

Ўзбекистон Республикаси Қурилиш вазирлиги сарҳисобига кўра, 2019 йилнинг 25 декабригача 487 та умумтаълим мактаби, 382 та мактабгача таълим муассасаси, 161 та соғлиқни сақлаш объекти фойдаланишга топширилди. Бундан ташқари, “Обод қишлоқ” дастури асосида 1505 та ижтимоий соҳа объекти ташкил этилган бўлса, 159 туманда танлаб олинган 479 та қишлоқда 311 минг 29 та хонадонда яшовчи 1,7 миллион нафар аҳолининг яшаш шароитини яхшилаш ишлари якунига етказилмоқда. Худди шунингдек, “Обод маҳалла” дастури доирасида 305 та ижтимоий объект барпо этилди. Энг асосийси, қишлоқ жойларда 15 минг 10 та якка тартибдаги, 12 минг 18 та квартиралари 2 минг 992 та, шаҳарларда 17 минг 587 та хонадонди 403 та қўп қаватли арзон уй-жойларни тезроқ ўз соҳибларига топшириш мақсадида қурилиши-пардозлаш ишлари жадаллаштирилмоқда.

Буларнинг барчаси 2019 йилда мамлакатимиз ижтимоий-иқтисодий ҳаётида улкан ижобий ўзгаришлар бўлганидан далолатдир. Фаол инвестиция сиёсати юритиш, ижтимоий ҳимояни қучайтириш масаласи келгусида изчил давом этирилиши устувор вазифалар сирасига киритилгани эса муваффақиятлар бардавом бўлишидан дарак бермоқда.

«Халқ сўзи».

Ҳасан ПАЙДОЕВ олган суратлар.

Халқ сўзи

ижроси доирасида ташкил этилган “Ёш китобхон — 2019” танловига голиб бўлиб, Президентимиз совғаси — “Спарк” автомобили билан тақдирланди. Албатта, гап муқофотда эмас. Мутлоаа жараёнида олган билимларимиз бир умрга йўлларимизни ёритади. Янги йилда ҳам бу борадаги ишларнинг изчил давом этирилиши навқирон авлодни янги марралар сари ундаши муқаррар.

IT-ПАРК: АХБОРОТ ТЕХНОЛОГИЯЛАРИ СОҲАСИ ТАРАҚҚИЁТИДА ЯНГИ БОСҚИЧ

Иқтисодиётимиз барқарорлиги, ҳар бир соҳанинг сифати ва самарадорлиги, аҳолига қулайликлар яратиш ахборот технологиялари билан боғлиқ. Шунинг учун бу соҳага янада кенг имконият, зарур инфратузилма яратиш, мутахассисларни ҳар томонлама рағбатлантириш, қобилиятли ёшларни тарбиялаш керак.



Шавкат МИРЗИЁЕВ

Президентимиз ўтган йилнинг 20 ноябрь куни Тошкент шаҳрида амалга оширилаётган бунёдкорлик ишлари ва йирик лойиҳалар билан танишиш жараёнида Мирзо Улугбек туманидаги Дастурий маҳсулотлар ва ахборот технологиялари технологик паркига ҳам борди. Давлатимиз раҳбари бу ерда яратилган шароитлар, муассасанинг истиқболли лойиҳалари ва режалари билан танишиб, ходимлар билан мулоқот қилди.

Хўш, мамлакатимиз тараққиётининг янги даврида IT соҳасини ривожлантиришга нима учун бу қадар катта эътибор қаратилмоқда? Ахборот технологиялари равнақининг фаровон ҳаётимизни таъминлашдаги ўрни қандай?

Ҳамма нарса қиёсда ойдинлашади

Бугун дунёда ахборот технологиялари ва дастурий маҳсулотлар ишлаб чиқаришни қўллаб-қувватлаш орқали тараққиётга эришаётган давлатлар кўп. Масалан, ушбу соҳа Ҳиндистон иқтисодиётига ҳар йили 185 миллиард доллар даромад келтиради. Бу кўрсаткич мамлакат ялпи ички маҳсулотининг 7,7 фоизи деганидир. Қолаверса, айни пайтда тармоқда 4 миллион киши иш билан банд.

Сўнгги йилларда ахборот технологиялари Беларусъ иқтисодиётининг ҳам етакчи соҳаларидан бирига айланди. Ушбу мамлакатда ташкил этилган Юқори технологиялар парки Шарқий Европадаги энг етакчи IT кластер ҳисобланади. Масалан, 2018 йилда мамлакатдаги 14,5 фоиз иш ўрни айнан ушбу парк резидентлари томонидан яратилган.

Ана шу жиҳатлар ҳисобга олиниб, давлатимиз раҳбарининг ташаббуси билан Ўзбекистонда ҳам IT соҳасини ривожлантиришда янги тизим яратилмоқда. Президентимизнинг 2018 йилда Ҳиндистонга ташрифи чоғида эришилган келишувларнинг амалдаги ижроси сифатида мамлакатимизда илк Дастурий маҳсулотлар ва ахборот технологиялари технологик парки ташкил этилди.

Технопарк олдига қўйилган вазифалар нималардан иборат?

Ахборот технологиялари соҳасида рақобатбардош маҳсулотлар ва хизматларни ривожлантириш учун, аввало, қулай шарт-шароитлар зарур. Ушбу талабдан келиб чиқиб, технопарк олдига қатор вазифалар қўйилган. Жумладан, резидентларни ўз фаолиятини ривожлантириши учун зарур бўлган юқори технологик инфратузилма ва замонавий лабораториялар билан таъминлаш, уларга молиявий, маркетинг, ҳуқуқий ва бошқа консалтинг хизматлари, шунингдек, бизнес-акселератор хизматлари кўрсатиш, ахборот технологиялари соҳасида янгидан иш бошла-

ган ва кичик корхоналарга стартап лойиҳаларни амалга оширишда, инновация фаолияти натижаларини тижоратлаштиришда кўмаклашиш технопаркнинг асосий вазифалари ва фаолияти йўналишлари этиб белгиланган. Шунингдек, муассаса резидентларига лойиҳаларни биргаликда амалга ошириш учун маҳаллий ва хорижий инвесторларни жалб қилиш, хусусан, замонавий технологиялар ва дастурий маҳсулотлар трансферини амалга оширишда ёрдам беради. Уларнинг фаолиятини ривожлантириш учун илмий, таълим ва ишлаб чиқариш ташкилотлари фаолиятини интеграциялашга кўмаклашади, етакчи компаниялар ҳамда мутахассислар иштирокида ёш мутахассислар учун маҳорат дарслари, тренинглари ва малака ошириш курслари, шунингдек, илмий-амалий конференциялар ҳамда семинарлар ўтказилади.

Мўъжаз IT-шаҳарча бунёд этилади

Диққатга сазовор жиҳатлардан яна бири шундаки, технопарк резидентлари сифатида рўйхатдан

ўтган корхоналар 2028 йил 1 январга қадар солиқ ва боғжона тўловларидан озод этилган. Қисқа вақт ичида резидентлар сони 300 дан ортгани технопаркка қизиқиш катта эканидан далолат. Муҳими, бу ерда нафақат мамлакатимиз, балки хорижнинг нуфузли компаниялари ва корхоналарига ҳам молиявий, маркетинг, юридик, консалтинг, логистика, аутсорсинг ва бизнес-акселерация хизматлари кўрсатилмоқда. Мисол учун, АҚШдаги транспорт корхоналарига логистика ҳамда кафе ва пиццерияларга аутсорсинг бўйича технологик хизмат кўрсатилётгани технопаркнинг яқин вақт ичида дунёдаги етакчи муассасалардан бирига айланишига ишончни оширади.

Бу ерда мутахассислар учун барча қулайлик яратилган, истиқболли стартап лойиҳаларни қўллаб-қувватлаш бўйича инкубация ва акселерация дастурлари ташкил этилган.

Технопаркнинг бугунги замон андозаларига мос фаолият юритишини таъминлаш, илғор тажрибани ҳаётга таъбиқ этиш мақсадида Ҳиндистон Дастурий технологиялар парклари жамиятининг энг

якши мутахассислари таклиф этилди.

Технопаркда амалга оширилаётган лойиҳалар қўламининг тобора ортиб бораётгани унинг нақадар даромадли ва истиқболли эканини исботламоқда. Муассасанинг йиллик ишлаб чиқариш қуввати 2020 йилда 10 миллион доллардан ортиши кўзда тутилган. 2025 йилда эса бу кўрсаткич 100 миллион долларга етади. Шу боис Президентимиз ташаббуси билан соҳа ривожига янада кенг шароит яратиш режалаштирилган. Хусусан, технопарк жойлашган ҳудудда яна еттига лотда офислар, бизнес маркази, меҳмонхона ва бошқа бинолар қурилиб, мўъжаз IT-шаҳарча бунёд этилади.

Ўзбекистон салоҳиятига ишонч катта

Ўтган йил охирларида технопарк делегацияси Ҳиндистон Республикасига ташриф буюриб, Бангалор шаҳрида ташкил этилган анъанавий технологик саммит — “Bangaluru Tech Summit — 2019”да қатнашди.

Жасурбек РЎЗМАТОВ, IT-парк резидент корхонаси иш юритувчиси:

— Ахборот технологиялари соҳасида ривожланган мамлакатларда ўқиб, тажриба тўпладик. Бугунги кунда АҚШ, Буюк Британия, Ҳиндистон каби IT соҳаси кенг ривожланган давлатлардаги барча шарт-шароит Ўзбекистонда, хусусан, мазкур IT-паркда ҳам бор. Муҳими, Президентимиз меҳр ва эътиборини доимо ҳис қилиб турибмиз.

Мазкур технопаркнинг резиденти сифатида корхонамизга солиқ ва боғжона имтиёзлари жорий этилгани фаолиятимиз қўламини янада кенгайтиришга асос бўлмоқда. Бугунги кунда корхонамизда ишлаб чиқарилаётган дастурий маҳсулотларни Америка Қўшма Штатлари, Хитой, Россия Федерацияси компанияларига сотаямиз ва уларнинг таъминотини Ўзбекистондан туриб олиб бораёмиз. Фаолиятимиз мана шу суръатда давом этса, тез орада жаҳон IT бозорига етакчи ўринлардан бирига чиқиб олишимизга ишонаман.

Дилшод КАРИМОВ («Халқ сўзи»).

Бошқа ривожланган давлатлар тажрибаси, миллий амалиёт ва қонунчилигимиз инобатга олинди.

Тадбирда Қонуннинг бошқа жиҳатлари ҳусусида ҳам сўз юритилди. Масалан, иш берувчининг касабаси уюшмалари фаолиятини амалга ошириш учун шарт-шароит яратиш борасидаги мажбуриятлари қонунан белгилаб қўйилди.

Янги Қонун ходимлар ҳуқуқлари ва манфаатларини ҳимоя қилишни кучайтиришга, ижтимоий-иқтисодий масалаларни ҳал қилишда касабаси уюшмалари учун қулай шарт-шароит ва кафолатлар яратишга, касабаси уюшмаларининг иш берувчилар ва давлат ҳокимияти органлари билан ҳамкорлиги механизминини такомиллаштиришга ҳамда меҳнат соҳасидаги ижтимоий шерикликини ривожлантиришга хизмат қилиши ва пировардида тизим фаолияти замон талаблари даражасига кўтарилажани иштирокчилар томонидан эътироф этилди.

Зокир ХУДОЙШУКУРОВ («Халқ сўзи»).

Айём ТУҲФАЛАРИ

Юртимизда асрлар мазмунига тенг ўзгаришлар, юксалишлар юз бераётгани, айниқса, Янги йилни кутиб олиш лаҳзаларида қалбларимизни қувончу ифтихорга, фахру ғурурга тўлдирди. Инсон манфаатлари, одамларнинг бу ҳаётдан рози бўлиб яшашлари тамойилининг Янги йил шодиёналари билан уйғунлик касб этиши эса қуйидаги хабарларда ўз аксини топган.

ҚОРАҚАЛПОФИСТОН РЕСПУБЛИКАСИ

Янги йил арафасида Қонлиқўл туманида “Kamilaxan textil invest” МЧЖ ишга туширилиши билан 40 нафар хотин-қиз доимий иш билан таъминланди. Корхонада йилга 3000 донга тикувчилик маҳсулоти ишлаб чиқарилади. Тумандаги “Маданият” маҳалла фуқаролар йиғини ҳудудида оғир ижтимоий вазиятга тушиб қолган, ногиронлиги бўлган, кам таъминланган, фарзандларини тўлиқсиз оилада тарбиялаётган ҳамда уй-жой шароитини яхшилашга муҳтож 10 нафар аёлга янги уйлар топширилди.

АНДИЖОН ВИЛОЯТИ



Андижон вилояти тарихида илк бор адирлик ёнбағрида кўп қаватли уйлاردан иборат аҳоли яшаш масканини бунёд этишга киришилди.

— 2019 йилдан бошлаб Ҳўжаобод туманининг Хидишча массивида 34 та беш қаватли уй қурилиши кўзда тутилган, — дейди вилоят ҳокимининг ўринбосари Иброҳимжон Холматов. — Шу кунларда “Қишлоқ қурилиш инвест” инжиниринг компанияси томонидан дастлабки 11 тураржой биносининг қурилиши бошлаб юборилди.

Тураржой мажмуаси 2020 йилнинг сентябрь ойида фойдаланишга топширилади.

БУХОРО ВИЛОЯТИ

Янги йил арафасида шарқона меъморчилик анъаналари асосида қайтадан барпо этилиб, фойдаланишга топширилган Гиждувон деҳқон бозорида қарийб 110 миллиард сўмлик қурилиш-монтаж ишлари бажарилди.

Бозор ҳудудида гўшт, сут, балиқ, мева-сабзавот, нон ва қандолат маҳ-

сулотлари сотишга мўлжалланган павильонлар, икки қаватли савдо дўконлари қурилди. Йўллар тартибга келтирилди. Сотувчи ва харидорлар учун қулайликлар яратилди. 1864 та савдо ўрнига эга очиқ павильон барпо қилинди. Натижада икки минг киши доимий иш ўрнига эга бўлди.

ЖИЗЗАХ ВИЛОЯТИ

Жиззах шаҳри марказидаги бир неча йиллар давомида қаровсиз қолган “Ўрда” экологик истироҳат богида вилоят ички ишлар бошқармасига қарашли ситуацион марказ фаолият бошлади.

— Марказ томонидан 42 гектарлик майдонда 78 та видеокузатув мосламаси ёрдамида кузатув олиб борилади. Яқинда уларнинг сонини 138 тага етказиш режалаштирилган, — дейди вилоят ИИБ ахборот хизмати раҳбари Абдулқосим Аҳмедов. — Мазкур бинода 3-сектор штаби ҳам ташкил этилган бўлиб, куннинг ҳоҳлаган вақтида аҳоли мурожаати қабул қилинади.

НАВОЙ ВИЛОЯТИ



Хатирчилик Пирмуҳаммад ота Оброқулов нафақада бўлса ҳам, у-бу ташвишлар билан давлат хизматларидан фойдаланиб турарди.

Давлат хизматлари маркази туман марказининг мослаштирилган бинодаги фаолияти отахонни қаноатлантирмаганлиги ҳам бор гап. Шу боис унинг янги йил арафасида фойдаланишга топширилган янги биносини

қўриб, мамнунлигини яшириб ўтирмади.

Бу ерда мижозлар учун барча қулайлик яратилган. Электрон навбат, мурожаатчилар учун кутиш зали, 14 та қабул ойнаси, электрон табул, инфокиоск фаолияти, болалар майдончаси, мўъжаз кутубхона. Буларнинг барчаси туман марказига замонавийлик бахш этган Давлат хизматлари марказида муассасам.

НАМАНГАН ВИЛОЯТИ

Наманган шаҳрининг “Юксалиш” тураржой даҳаси аҳли байрам арафасида қурувчилардан қўшалоқ совға олди. Бу ерда замонавий болалар богчаси ҳамда оилавий поликлиника аҳолига хизмат кўрсата бошлади. 1,5 гектар майдонда барпо этилган 46-сонли давлат мактабгача таълим муассасасининг қурилиш ва жиҳозлаш ишларига 16 миллиард сўмга яқин маблағ сарфланди.

Кунлик 100 кишилик қатнов қувватига эга бўлган 15-оилавий поликлиникада эса ўнга яқин тор доирадаги соҳа мутахассислари ҳамда умумий амалиёт шифокорлари беморларни қабул қилишади.

КАСАБА УЮШМАЛАРИ: ТИЗИМ ФАОЛИЯТИ ЗАМОН ТАЛАБЛАРИГА МОСЛАШАДИ

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида Касаба уюшмалари Федерацияси томонидан ташкил этилган анжуман “Касаба уюшмалари тўғрисида”ги Қонуннинг мазмун-моҳияти ва аҳамиятига бағишланди.

Янги Қонун

Қайд этилганидек, 2019 йил 6 декабрда Президентимиз томонидан имзоланган мазкур Қонун фуқароларнинг касабаси уюшмаларига бирлаштириш ҳуқуқини амалга ошириш, касабаси уюшмаларини тузиш, улар фаолиятини ташкил этиш борасидаги муносабатларни тартибга солишга қаратилгани билан аҳамиятлидир.

“Касаба уюшмалари, уларнинг ҳуқуқлари ва фаолиятларининг кафолатлари тўғрисида”ги Қонун бундан 27 йил илгари қабул қилинган бўлиб, у

бугунги ислохотлар талабларига жавоб бермай қолган эди.

Шу боис янги ҳужжатни яратиш эҳтиёжи туғилди.

Янги Қонунда:

● Ўзбекистон фуқаролари, фуқаролиги бўлмаган шахслар, чет эл фуқароларининг касабаси уюшмаларига бирлашиш ҳуқуқи кўзда тутилган.

● Касаба уюшмаларини нафақат корхона-ташкilotларда, балки барча иш ўринларида тузиш мумкинлиги белгиланган.

● Касаба уюшмалари фаолияти асосий принциплари, яъни қонунийлик, ихтиёрийлик, камситишга йўл қўймаслик, мустақиллик, ўзини-ўзи бошқариш, тенг ҳуқуқлилик, ошкоралик ва очиклик тамойиллари ўз ифодасини топган.

● Касаба уюшмалари нафақат давлат органлари ва уларнинг мансабдор шахслари, балки иш берувчилар ва уларнинг бирлашмалари фаолияти усидан жамоатчилик назоратини олиб бориши мумкинлиги назарда тутилган.

● Касаба уюшмалари ўз фаолиятида, шу жумладан, молиявий фаолиятида давлат ҳокимияти ва бошқаруви органларидан мустақиллиги, улар олдида ҳисобдор эмаслиги ва улар томонидан назорат қилинмаслиги мустаҳкамлаб қўйилган.

Айём ТУҲФАЛАРИ

САМАРҚАНД ВИЛОЯТИ

Янги йил байрами арафасида Тайлоқ туманидаги Чароғ-бон маҳалласида 96 хонадондан иборат 4 та тўрт қаватли уй фойдаланишга топширилди. Кам таъминланган оилалар, ногиронлиги бўлган, оғир ижтимоий шароитда яшаётган аёлларга имтиёзли шартлар асосида берилган тураржойларни ўз эгаларига топширишга бағишланган маросимда вилоят ва туман ҳокимлиги ва жамоатчилик вакиллари иштирок этди.

Аҳамиятлиси, янги уйга кўчиб ўтган оғир турмуш шароитидаги 20 нафар хотин-қизга бошланғич тўловлар Хотин-қизлар кўмитаси ҳузуридаги фонд томонидан тўлаб берилди.



СИРДАРЁ ВИЛОЯТИ

Сардоба туманидаги Халқобод маҳалласида “Сирдарё барака чеварлари” МЧЖнинг 300 иш ўрнига эга бўлган замонавий тикувчилик фабрикаси фойдаланишга топширилди.

— Шу вақтгача ишсиз эдим, — дейди икки фарзанднинг онаси Муаттар Муродова. — Туманимизда замонавий

фабрика фаолияти йўлга қўйилганлиги биз учун катта совға бўлди.

Маълумот ўрнида айтиб ўтамиз, ўтган йилнинг март ойидан буён “Сирдарё барака чеварлари” МЧЖ томонидан Ховос, Оқолтин, Сирдарё, Боёвут, Сайхунобод туманларида ҳам ана шундай корхоналар ташкил этилган эди.

СУРХОНДАРЁ ВИЛОЯТИ

Термиз шаҳрида 14-давлат мактабгача таълим муассасасининг янги биноси фойдаланишга топширилди. Бунинг учун 4 миллиард 200 миллион сўм маблағ сарфланиб, барча шарт-шароит яратилди.



2019 йилнинг ўзида Сурхондарё вилоятида 80 та давлат-хусусий шериклик ва 15 та хусусий мактабгача таълим муассасаси қурилиб, фойдаланишга топширилди. 36 давлат мактабгача таълим муассасаси реконструкция қилинди, янгидан қурилди. Натижада воҳада болажонларни мактабгача таълим муассасаларига қамраб олиш кўрсаткичи 32 фоизни ташкил этди.

ТОШКЕНТ ВИЛОЯТИ

Тошкент вилояти аҳолисининг 1 миллион 403 минг нафарга яқинини ёшлар ташкил этади. Айни пайтда уларнинг 246 минг нафари маданият ва санъат, 778 минг нафардан ортиғи спорт, 200 минг нафардан ортиғи эса китобхонлик билан қамраб олинган.

Вилоятнинг маъмурий маркази Нурафшон шаҳри-

да йигит-қизларнинг бўш вақтини мазмунли ташкил этиш мақсадида барча замонавий шароитга эга бўлган вилоят “Ёшлар маркази” ҳам яқунланган йилда барпо этилди. Бугунги кунда ушбу марказда 15 та йўналиш бўйича тўғараклар фаолияти йўлга қўйилган бўлиб, уларга 1 минг 600 нафардан зиёд ёшлар қамраб олинган.

ФАРҒОНА ВИЛОЯТИ

Янги йил арафасида Шохимардоннинг Шаланг тоғи бағрида 200 ўринга мўлжалланган, барча қулайликка эга “Марҳаматли Шохимардон” сихатгоҳи тантанали очилди.

— Шохимардон менда унутилмас таассурот қолдирди, — дейди туркиялик тадбиркор, вилоят ҳокимининг сайёҳлик бўйича маслаҳатчиси Зафар Қорадоғ. — Бу ер жаҳон сайёҳлик марказларидан бири бўлишга муносиб. Гўзал табиати, дарёларининг мафтункорлиги, ҳаёт тарзининг ўзгача экани билан мени ром этди.

ХОРАЗМ ВИЛОЯТИ

Гурлан тумани ва Хива шаҳрида Давлат хизматлари марказининг янги бинолари фойдаланишга топширилди. Ушбу марказларда болалар майдончаси, кутубхона, банк шохобчаси, шунингдек, Бош вазир қабулхонаси, солиқ, адлия, ФХДБ бўлимлари маслаҳатчилари, нотариус хизматлари учун махсус хоналар мавжуд. Бинолар замонавий ахборот технологиялари воситалари билан жиҳозланган.

— 2019 йилнинг ўтган даврида фуқароларга 50 мингдан ортиқ 122 турдаги давлат хизматлари кўрсатилди, — дейди Гурлан тумани Давлат хизматлари маркази раҳбари Комилжон Нурматов. — Тумандаги чекка-чекка қишлоқларга сайёр давлат хизматлари кўрсатиш учун янги “DAMAS” автомобили ажратилди.

ҚАШҚАДАРЁ ВИЛОЯТИ

Гузор тумани марказида “Ёшлар меҳнат гузари” фойдаланишга топширилди.

Тадбиркор Суннат Дўстов ташаббуси билан Ёшлар иттифоқи туман кенгаши ва “Ёшлар — келажагимиз” жамғармаси ҳамкорлигида ташкил этилган “Ёшлар меҳнат гузари” туман ёшлари учун янги йил совғаси бўлди. Гузар ҳудудида замонавий қулайликларга эга савдо мажмуаси ва ўқув маркази жойлашган. Унинг қурилишига тадбиркор 700 миллион сўм ўз маблағи ва 300 миллион сўм банк кредитидан фойдаланди.

«Халқ сўзи».

«ПРЕЗИДЕНТ АРЧАСИ» ТАДБИРЛАРИ

ЎЗГАЧА ҚУВОНЧ, ШОДУ ХУРРАМЛИК БИЛАН ЎТКАЗИЛДИ

Юртимизда умумтаълим мактаблари ўқувчилари учун қишқи таътил кунлари давом этмоқда. “Президент арчаси” байрам тадбирлари улар учун унутилмас таассуротларни туҳфа этди.

ШУКУХ

Бухоро вилояти мусикали драма театрида “Президент арчаси” шодиёналари бўлиб ўтди. Унда боқувчисини йўқотган чин етимлар, хизмат вазифасини ўташ чоғида ҳалок бўлган ҳарбий хизматчилар, ижтимоий муҳофазага муҳтож оилаларнинг фарзандлари, 32-Меҳрибонлик уйи тарбияланувчилари иштирок этди.

— Бугун қувончимизнинг чеки йўқ, — дейди Меҳрибонлик уйи тарбияланувчиси Петр Голов. — Президентимизнинг Янги йил совғаларини қабул қилиб олдик. Бу кун бир умр ёдимда қолади. Масканимиз ҳақида гапирадиган бўлсам, у ерда биз учун барча қулайликлар мўҳайё қилинган. Мен шу имкониётлардан фойдаланиб, ўз иқтидоримни юзга чиқариш ҳаракатидаман.

2019 йил 29 декабрь кuni Самарқанд шаҳридаги “Олтин Самарқанд” ресторанида “Салом, Янги йил!” номли “Президент

арчаси” байрам тадбири ташкил этилди. Тадбирда меҳр-эътиборга муҳтож болажонлар доимо давлат ҳимоясида экани таъкидланди. Ўғил-қизларга 6 номдаги ўқув қуроллари, юмшоқ ўйинчоқ, шахмат ва 20 турдаги ширинликлардан иборат Президент совғаси тантанали топширилди.

— Биз йил бўйи Янги йилни, Президент арчасини озиқиб кутамиз, — дейди 1-Меҳрибонлик уйи тарбияланувчиси Умид Носиров. — Бу галги байрам кутганимиздан ҳам қизиқарли бўлди. Айниқса, Президент совғаси менга жуда ёқди. Совға ичида шахмат ҳам бор экан. Шу спорт тури бўйича ўқувчилар ўртасида ўтказилган мусобақаларда голиб бўлганман. Келгусида шахмат билан мунтазам шугулланиб, жаҳон чемпионли бўлмоқчиман.

Қорбобо ва Қорқиз, эртақ қаҳрамонлари иштирокида театрлаштирилган байрам томошалари, мусиқа

ва санъат мактаблари ўқувчиларининг концерт дастурлари болажонлар қувончига қувонч қўшди.

Фарғона шахри марказидаги мухташам Санъат саройида болалар учун “Президент арчаси” Янги йил тадбири ташкил этилди. Санъат саройининг биринчи қаватида безатилган арча атрофида турли эртақ қаҳрамонлари болаларни кутиб олишди. Қўлни-қўлга бериб, шўх қўшиқ ва шеърлар айтган байрам иштирокчиларининг қалби чексиз секинч ва ҳаяжонга тўлди. Саройнинг иккинчи қаватида эса болалар учун байрам дастурхони ёзилди.

— Ҳар йили юртимизда ўтказиладиган “Президент арчаси” тадбири бизга бир олам қувонч, қувноқ кайфият ҳадаи этади, — дейди Марғилон шаҳридаги 1-Меҳрибонлик уйи тарбияланувчиси Шахноза Хусанова. — Мамлакатимизда ҳеч бир бола меҳр ва эътибордан четда эмас. Ўзим севган эртақ қаҳрамонлари билан қўл ушлашиб қўшиқ ва шеърлар айтганимдан жуда хурсандман. Президентимиз томонидан тақдим этилган совғалар бизни нихоятда қувонтирди.

Сурхондарё вилоятининг шаҳар ва туманларида ҳам

“Президент арчаси” байрам тадбирини болажонларга бир олам қувонч бахш этди. Термиз шаҳридаги “Grand Almaz” тантаналар саройида ўтказилган тадбирда болажонларга Президентимизнинг ўқув қуроллари, китоблар, турфа ширинликлардан иборат совғалари топширилди.

— Юртбошимизнинг янги йил совғаси қалбларимизни қувончга тўлдирди, — дейди Термиз шаҳридаги 12-Меҳрибонлик уйи тарбияланувчиси Севинч Ашуралиева. — Халқимиз, давлатимиз раҳбарининг кўрсатаётган юксак эътибори ва ғамхўрлигига жавобан келаханда Ватанимизга муносиб фарзанд бўлишга астойдил интиламиз.

Нукусдаги “Халқлар дўстлиги” хиёбонида “Президент арчаси” тадбири бўлиб ўтди. Унда Хўжайли туманидаги 1-Меҳрибонлик уйи тарбияланувчилари иштирок этди. Безатилган арча атрофида болажонларга Президент совғалари улашилди. Куй-қўшиқлар тадбирга янада фойз бағишлади. Ана шундай тадбир Бердақ номидаги Қорақалпоқ давлат академик мусикали театрида ҳам ўтказилди. Тадбирга ижтимоий ҳимояга муҳтож, кам таъминланган, боқувчисини йўқотган

оилалар фарзандлари таклиф этилди. Байрам томошалари давомида уларга Президент совғалари тантанали равишда топширилди.

Наманган вилоятида ҳам юксак кўтаринкилик билан ташкил этилган “Президент арчаси” байрам тантанаси болажонлар учун унутилмас онларни туҳфа этди. Вилоят марказида жойлашган Алишер Навоий номидаги мусикали драма театрида байрам тадбири ўтказилди.

Вилоятнинг барча шаҳар ва туманидан тантангага таклиф этилган болажонларга Президент совғаси топширилди.

Жошибили рақслар ва жўшқин лаҳзалар билан ўтган театр томошасидан сўнг ўғил-қизларни мафтункорлиги билан Марказий Осиёда ягона дея эътироф этилаётган афсонавий маскан — “Афсоналар водийси” ўзига чорлади. Мухташам истироҳатгоҳда ўғил-қизлар умр байрам дастурхони ёзилди. Болажонлар нағр-баранг ўйинчоқлар, чироқлар ҳамда безаклар билан безатилган, баландлиги 39 метрли арча атрофида ўйнаб-қувнаб, Янги йил завқини дилдан туйдилар.

«Халқ сўзи».

Дил сўзи

АСЛИДА ОЗОДЛИКНИНГ ҲАР БИР ДАҚИҚАСИ БАЙРАМГА ТЕНГ

Янги йил байрамини

тинчлик-хотиржамликда, хурсандчилик билан ўз оиласи ва яқинлари давраида нишонлашдек ортиқ бахт бўлмаса керак!?

Аслида озодликнинг ҳар бир дақиқаси байрамга тенг. Бунинг қадрини ҳаётда адашганлар яхши билишади. Афсуски, мен ҳам 22 ёшимда ноҳўя хатти-ҳаракатларим учун суд ҳукмига кўра, 5 йилу 6 ой муддатга озодликдан маҳрум этилдим. Ўйлаб қарасам, ўша кун ҳар сонияси олтинга тенг умримни хазонга айлантирибман. Жазони ўташ муассасасида қилишмининг салбий оқибатларини кеч бўлсада, тўла англаб етдим. Қалбимни афсус-надомат чулбаб олганди.

Айниқса, маҳалла-қўй орасида ота-онам ва яқинларимнинг бошини ҳам қилганим учун ўзимни қаттиқ қойдим, қатъий тўзалиш йўлини танладим. Қилишимга чин кўнгилдан пушаймон бўлдим. Англадимки, дунёда озодликдан улугъ неъмат йўқ экан.

Конституциямиз қабул қилинганнинг 27 йиллиги муносабати билан Президентимиз Фармонига асосан афв этилдим. Бу менга Янги йилни ўз уйимда, оилам бағрида нишонлаш бахтини берди. Бунинг учун халқимиз, давлатимиздан миннатдорман.

Бугунгача тиббий қўриқдан ўтдим, янги биометрик паспорт олдим. Энг муҳими, ишга жойлашиб, доимий меҳнат фаолияти билан шугуллана бошладим. Туман ҳокимлиги кўмағи билан оиламиз учун имтиёзли кредит ажратилди. Менга билдирилган бу юксак ишончини оқлаб, жамяти-миз, юртимизга хизмат қилишга аҳд этдим.

Муҳаммад ШОМУРОВОВ.

Сурхондарё вилояти, Мўработ тумани.

«Ўзбекистон» сўзи янграганида кўзларимда қувонч ёшлари қалқди

Мен учун 2019 йил ҳар жихатдан муваффақиятли келди, деб айта оламан. Сабаби ўша йили Корея Республикаси Ташқи ишлар вазирлиги ҳамда “KBS” телевидениеси томонидан ўтказилган “Quiz on Korea” халқаро дипломатия дастурида голиб бўлдим.

Сеул шаҳрида ўтказилган мусобақанинг учинчи раундидаги ҳаяжонни ҳеч эсдан чиқара олмайман. Бу босқичга қадар уч мамлакат иштирокчиси етиб келгандик. Бири германиялик, иккинчиси марокашлик, учинчиси мен. Жами йигирма мамлакат вакили қатнашган мусобақанинг энг ҳаяжонли ва қайноқ лаҳзалари — Жанубий Корея тарихи ва маданиятига доир саволлар ўртага

ташланди. Марокашлик битта, германиялик иштирокчи учта саволга жавоб берди. Мен эса бешта саволга тўғри жавоб бердим. Голиб номига қўшилиб, “Ўзбекистон” сўзи янграганида эса бўғзимга бир нима тикилгандек бўлди, кўзларимда қувонч ёшлари қалқди...

Бу ютук ўз-ўзидан келмади, албатта. Бу мамлакатимизда замонавий фикрлайдиган, бир нечта

хорижий тилларни биладиган, илғор ва ташаббускор кадрларни тайёрлашга алоҳида эътибор қаратилаётгани мевасидир.

Кейинги йилларда мамлакатимизда етук кадрлар тайёрлашга муносабат, талаблар ва ёндашувлар буткул ўзгариб кетди. Замон талабларига мос, юртимиз тараққиётида эҳтиёж юқори бўлган мутахассислар тайёрлайдиган янги университети институтлар ташкил қилинмоқ-

да, чет элнинг нуфузли олий таълим муассасалари филиаллари очилляпти. Ўқув даргоҳлари замон талабларига мос жиҳозланмоқда. Яратилаётган ана шундай шарт-шароит ва имкониётлардан самарали фойдаланган, ўқиган, изланган, вақтида билим олган ёшлар халқаро миқёсда ҳам эътироф қилинмоқда.

Орзу-мақсадларим бисёр. “Quiz on Korea”га ўшаран, мисол учун “Quiz on Uzbekistan” деб номланган халқаро мусобақа ташкил этиб, бутун дунё эътиборини ўзбек маданияти ва тарихини, тилини ўрганишга қаратмоқчиман. 2020 йил бу орзуларга яна бир поғона яқинлаштиришига ишонаман.

Ҳамма ҚАҲРАМОНОВА, Ўзбекистон давлат жаҳон тиллари университети талабаси.

ДУНЁНИ ЛОЛ ҚОЛДИРГАН

«ЎЗБЕК ЙЎЛБАРСЛАРИ»



Ифтихор

Яқунига етган 2019 йилда мамлакатимиз боксчилари дунё спорт оламини лол этгани бор гап. Айниқса, Екатеринбургдаги жаҳон чемпионати барчасидан ўзгача бўлди. Дунёнинг манаман деган чарм қўлқоп усталари ўзбек ўғлонлари олдида ожиз қолдишди. “Ўзбек йўлбарслари”нинг жаҳон чемпионатидаги “юрishi” чет эл спорт жамоатчилиги, экспертлари томонидан юқори баҳоланди. Америка, Европа ва Осиёнинг етакчи спорт, бокс наشرлари, интернет тармоқлари ҳали-ҳануз Ўзбекистоннинг боксдаги эришган ютуқларини турли талқинларда таҳлил этишмоқда.

Масалан, Россиянинг “AllFight.Ru” сайтида ёзишларича, “2019 йил ўзбек боксчиларининг эришган натижаси шу қадар юқори бўлдики, бунинг ортида ёшларга катта эътибор, яратилаётган шарт-шароит, спортчиларни доимий тарзда руҳлантириш учун иқтисодий ҳамда маънавий қўллаб-қувватлаш ва энг асосийси, ишнинг профессионал ташкил этилганлиги юксак галабаларга замин яратди. Энди ўзбек боксчилари жаҳон рингларида нафақат битта рақиб билан, балки бутун бошли бокс жамоасига қарши етакчилигини ушлаб туриш учун курашади. Бошқа жихатдан ўзбеклар халқаро майдонда ўз сўзи борлигини яна бир бор кўрсатиб қўйди”.

Қозғоғионлик таниқли спорт журналисти Ербол Каиров “Нима учун Ўзбекистон Қозғоғионни орда қолдирди?” сарлавҳали мақолаида Екатеринбургда ўтган жаҳон чемпионати хусусида сўз юритиб,

ҳар икки қўшни мамлакат спортчилари, мутахассислари, яратилаётган шарт-шароитлар, боксчиларнинг техник-тактик тайёргарлиги ва бошқа хусусиятларини атрофида таҳлил қилиб, Ўзбекистон спортчиларида ватанпарварлик тамойиллари қучилишини эътироф этган.

Шунингдек, Американинг интернет наشري “FIGHTnews” материалида келтирилишича, Ўзбекистон

2019 йилдан эътиборан хаваскорлар боксига жаҳоннинг етакчи давлатига айланган. Океанортилик ҳамкасбларимиз эълон қилган рейтингда Ўзбекистон биринчи ўринда келтирилган бўлса, биздан кейинги поғоналардан Қозғоғион, Куба, Россия, Озарбайжон, Франция жой олди. Мазкур рейтинг жаҳон чемпионатидан бирмунча олдинроқ эълон қилинганлигини инобатга олсак, вакилларимизнинг жаҳон рейтингидеги ўрни бундан-да мустаҳкам бўлганлиги ойдинлашади.

Бундай эътирофларни кўплаб келтириш мумкин. Аслида интернет тармоқларида, наشرларда ўзбек боксчилари, унинг навқирон вакиллари Баҳодир Жалолов, Миразизбек Мирзахалилов, Шаҳобиддин Зоиров, Бобоусмон Ботиров ҳақидаги фикрлари, кўнора учратиб турганимизгами, одатий ҳол сифатида қўниқиб ҳам қолдик.

Иқтисодчилар “рақамларнинг тили бор”, деб бот-бот такрорлашгани хуш кўришади. Рақамларга мурожаат этсак. Юртимиз боксчилари учун ўтган йилнинг 13 — 20 февраль кунлари Болгариянинг София шаҳрида ўтказилган “Странджа” турнири йилнинг илк халқаро мусобақаси бўлди. Унда вакилларимиз 42 та давлат чарм қўлқоп усталари орасида 2 тадан олтин ва кумуш, 1 бронза медалга сазовор

бўлиб, умумжамоа ҳисобида 3-ўринни эгаллаб, 2019 йилда халқаро мусобақалар “дарвоза”сини мардонавор очилди. Шундан сўнг, у Қирғизистон, Исроил, Қозғоғион, Россия, Озарбайжон, Мўғулистон, Таиланд, БАА, Хитой, Беларусь, АҚШ, Франция каби қатор давлатларда ўтказилган нуфузли халқаро мусобақаларда вакилларимизнинг юрт ори учун шиддатли курашлари бошланди. Эътиборлиси, 2019 йил мобайнида хорижий мамлакатларда ўтган бирон-бир турнирдан спортчиларимиз медалсиз қайтишмади. Бу бугунгача бокс бўйича Ўзбекистон терма жамоаси қўлга киритган медалларнинг сони ва сифатида ҳам акс этган — 75 та олтин, 37 та кумуш ва 76 та бронза.

Айтишга осон. Аммо жаҳон ва қитъа чемпионатлари, Бутунжаҳон армия уйинлари, ёшлар ва ўсмирлар ўртасидаги жаҳон биринчиликлари ҳамда бошқа халқаро турнирлар нүфуси ва бу мусобақаларда ҳар бир медалнинг заҳмати нечоғли машаққатли эканлиги тасаввур этилса, Ўзбекистон боксчилари эътироф жиҳатдан ҳам, рейтинг бўйича ҳам ва жаҳон чемпионатларидаги натижалар кўринишида дунёнинг етакчи жамоаларидан бирига ўз-ўзидан эришмаганлиги ойдинлашади.

— Қайсики соҳада ҳамжиҳат,

Отабек ЭШМАМАТОВ.

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 156. 60 552 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоиси келишилган нархда.

Газетамиз ҳақидаги маълумотларни юқлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-233-52-55;
Котибият 71-233-10-28; Ўқуллар 71-232-11-15.



Таҳририятга келган кўлаёмалар тақрир қилинмайди ва муаллифга қайтарилмайди.

Газетанинг ёзилиш берилиши учун обунани расмийлаштирган ташкилот жаавобгар.

Газета таҳририят компьютер марказида терминал ҳамда оператор Аъбар Исмаилов томонидан саҳифаланади.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул.

Босмахона телефони: 71-233-11-07.

“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. Топширилди — 21.40

• МАНЗИЛИМИЗ:
100000,
Тошкент шаҳри,
Матбуотчилар кўчаси, 32-уй.

Навбатчи муҳаррир — О. Файзиев.
Мусаҳҳих — Ш. Машраббоев.

1 2 3 4 5 6